

Simsalabim en l'internet – ina trucla plain magia

■ (cp) www.simsalabim.rtr.ch: Quai è l'adressa d'internet per tut ils uffants rumantschs. Gist sin Pasca han Radio e Televisiun Rumantscha (RTR) realisà ina pagina rumantscha cun istorcias, purtrets, gieus, tun e maletg per tut ils uffants rumantschs. Sur quella pagina po sa sviluppar in contact direct tranter RTR ed ils uffants ed in barat tranter geniturs ed uffants. Gia dapi l'onn passà porscha RTR la pagina d'internet [simsalabim.rtr.ch](http://www.simsalabim.rtr.ch). Fin uss è quella stada integrada en la pagina dad RTR. Da nov è www.simsalabim.rtr.ch ina pagina independenta cun in vestgì e cun cuntegns spezialmain per uffants. In striun e ses giat Min mainan ils uffants tras las differentas rubricas.

Dal reminent, il striun n'ha anc nagin num. Il num da quel tschertga RTR en ina concorrenza. Sa participar pon tut ils uffants da 4 fin 16 onns. Ils detagls davart la concorrenza ed il premi intervegn ins sa chapescha sin www.simsalabim.rtr.ch.

Il puncts impurtants sco las istorcias

auditivas dal Simsalabim ubain las istorginas da buna notg da la Televisiun Rumantscha chatta ils uffants vinavant sin www.simsalabim.rtr.ch. Da nov cumpiglia l'offerta en l'internet er istorcias che vegnan offridas sco Podcast. Questas pon ils uffants copiar e tadlar sin il computer ubain sin l'MP3. Era gieus, ils top pop rumantschs, la butia dal Simsalabim e bleras ulteriuras infurmaziuns èn integradas en la nova pagina. E per savair er en il futur tge ch'è d'interess per egl ed ureglias pitschnas han uffants, geniturs, tats e tattas, scolastas e scolasts e tut ils interessads vinavant la pussaivladad dad abunar il newsletter Simsalabim.

